

四庫全書

子部

欽定四庫全書

唐開元占經卷一百十

星圖

唐 瞿曇悉達 撰

二十八宿

廿氏外官一

青丘古今同七星在軫東南 折威古今同七星在亢
南 陣車古今同三星在氐南 騎陣將軍古今同一
星 騎官中東端 糠星古今同一星箕舌前 車騎古

今同三星騎官南 農丈人舊在狗星西南今在狗星

西一星南斗西南 狗星古今同二星南斗魁前 狗

國古今同四星建星東南 天田古今同九星牽牛南

哭星古今同三星在虛南 泣星古今同二星在哭

東 蓋屋二星在危南 八魁舊三星在營室度六星

在危度今並在營室度九星北落東南 雷電古今同

營室西南 雲雨古今同四星霹靂西南 霹靂古今

同五星土公西南 土公古今同二星東壁南 土公

吏古今同二星營室西南 鉄鎖古今同五星天蒼西

南 天溷古今同七星光屏南 外屏古今古七星在

奎南 天庾古今同三星天倉東南 芻藁古今同六

星天苑西 天園古今同十三星天苑南 九州殊口

古今同九星天節下 天節古今同八星畢附耳下星

南 九遊古今同玉井西南 軍井經云玉井東南舊

在屏南今在屏東四星 水府舊在東井南河外今在

河內四星東井南 四瀆一星入河三星出河今三星

入河一星出河四星東井南轅東 闕丘舊在南河東

南赤道外今在南河南赤道內二星南河南 天狗古

今同七星狼東北 三坐舊並在西北斜列今並在東

北斜列 丈人二星軍井西南 子二星丈人東 孫

二星在子東 天社古今同六星在弧南 天記古今

同一星外厨南 外厨舊近河又東西俠今去河遠臨

赤道又東西濶六星柳南 天廟舊並引行正直今有

曲直十四星在張南 東毆古今同五星在翼南

巫咸中宮二

大尊舊在中台西子規外今在中台北子規內一星中
台北 三師古今同三星北斗魁第一星西 大理古
今同二星紫微宮門老星內 御女古今同四星鈎陳
後北 天相古今同三星七星大星北 長垣舊在黃
道外有二星今並在黃道內四星少微西南北列 虎
賁古今同一星下台南 軍門土司空二坐舊並在軫
星南今在軫星西南近翼 軍門二星青邱西 土司

空四星軍門南 陽門古今同二星庫樓東北 頓頑

古今同二星折威東南 從官古今同二星房星南

天輻古今同二星房星南 天輻古今同二星房距星

西 鍵閉古今同一星房東北 罰星古今同三星東

咸北列 列肆古今同二星天市中斛西北 車肆古

今同二星天市門左星內 帛度古今同二星宗星東

北 屠肆古今同二星帛度北 奚仲舊三星在虛度

一星入女度其星在子規外豎立今三星在牽牛度一

星在南斗度汭子規東南西北斜列四星如衡狀天津
北 鈎星古今同九星如鈎狀造父北 天桴舊在赤
道外今在赤道內四星河鼓左旗端南北列 天鑰古
今同八星南斗柄第二星西 天淵古今同十星在鼈
東南九坎間一名三泉 齊一星九坎東衡星東北
趙二星在齊西北 鄭一星在趙東北 越一星在鄭
西北 周二星在趙東北 秦二星在周東 代二星
在周東南 晉一星在周西南 韓一星在晉北 魏

一星在韓北近秦星 楚一星在魏西南近鄭星 燕

一星在楚東南近晉星 秦趙等十二星座舊圖並須

女度今齊鄭趙越周等五座在須女度又列位不同

璿瑜古今同三星在代東南北外 天壘城古今同十

三星如貫索狀哭泣西 虛梁古今同四星在危南

天錢古今同十星在北落東北 天網古今同一星在

北落西南 斧鉞古今同三星在八魁西北 東廐舊

絡東壁距道又在河外今測絡奎距道仍北三星入河

不絡東壁距道十星東壁北近王良
天陰舊騎赤道
今測近黃道五車畢柄西

唐開元占經卷一百十

欽定四庫全書

唐開元占經卷一百十一

八穀占

唐 瞿曇悉達 撰

八穀生長

神農曰禾生於棗出於上黨羊頭之山右谷中生七十
日秀六十日熟凡一百三十日成忌於寅卯 黍生於
榆出於大梁之山左谷中生六十日秀四十日熟凡一
百日成忌於丑 大豆生於槐出於沮石之山谷中九

十日華六十日熟凡一百五十日成忌於卯 小豆生
於李出於農石之山谷中生六十日華五十日熟凡一
百一十日成忌於卯 秫生於楊出於農石之山谷中
七十日秀六十日熟凡一百三十日成忌於午 蕎麥
生於杏出於長石之山谷中生二十四日秀五十日熟
凡七十五日成忌於子 麻生於荆出於農石之山谷
中生七十日秀六十日熟凡一百三十日成忌於未午
辰亥日 小麥生於桃出於須石之山谷中生三百

日秀三十日熟凡三百三十日成忌於子 稻生於柳
出於農石之山谷中生八十日秀七十日熟凡百五十
日成忌於亥 五穀生長日種者多實以老死日種者
無實又難生以忌日種之一人不食 禾生於巳疾於
酉長於子老於戌惡於丙丁忌於寅卯 黍生於寅疾
於午長於丙丁老於戌死於申惡於壬忌於丑 豆生
於申疾於子長於壬老於丑惡於甲乙忌於丙丁 麥
生於酉疾於卯長於辰老於午死於巳惡於戌忌於子

太歲在四季苧蔴子熟時可種禾豆夏至時可種黍麻

夏至後百五十日地氣上時可種麥

丑未戌是也

太歲在四

仲堪熟時可種禾豆夏至可種黍麻夏至後九十日地

氣上可麥

子午卯酉是也

太歲在四孟以蠶卧起時可種禾豆

夏至前五十日可種稻黍麻夏至後八十日地氣上可

種麥

寅申巳亥是也

八穀陰陽相衝

黃帝占曰穀有陰陽衝位相當王相廢休名在其鄉

黃帝要經曰春夏為陽秋冬為陰陰當合賤陽當合貴
春夏賤為順秋冬貴為逆 黃帝占曰稻與小麥為陰
陽稻賤時小麥貴十五日反之亦等 黍與小豆為陰
陽黍賤時小豆貴 麻與大麥為陰陽麥賤時大麥貴
大麥賤時小豆貴 麻與大麥為陰陽麻賤時大麥貴
大麥賤時麻貴 粟與大豆為陰陽粟賤大豆貴大豆
賤粟貴

候八穀貴賤及歲雜物蜚善惡

黃帝占曰粟嘗以建戌之月下句二十五日下價為本
以建亥之月上句上價為末乘本貴之一錢以五并本
價以為來年春夏極貴定即亥月與戌月平者更以建
子之月乘亥月價見一貴之一貴之以三皆并本價以
為來年春夏極貴各在其衝月即冬三月皆不貴各平
平者來年春不復貴矣 黍常以建酉之月下句二十
五日下價為本以建戌之月上句上價為末本一錢貴
之以五并本價以為來年春夏極價定即冬三月平平

者春夏不復貴 麻常以建戌之月下旬二十五日價
為本以建亥之月上旬價為末末乘其本一錢貴之以
五并本價以為來年春夏價定即冬三月皆平平者春
夏不復貴 大豆常以建亥之月下旬二十五日下

價為本以建子之月上旬上價為末末乘其本一錢貴
之以五并本價以為來年春夏極價定矣即冬三月皆
平平者春夏不復貴 麥常以建午之月下旬二十五日
下價為本以建未之月上旬上價為末末乘本一錢貴

之五并本價以為來冬春價極貴定矣夏秋三月平平者冬不復貴 師曠占曰常以正月一日迄十二日以

占十二月以日易月每歲黃氣其氣為差歲風從西來西南來皆為穀貴從東即穀賤 黃帝占曰正月上卯

日候風其有寒風者穀小貴若至衝必貴矣其卯日不風寒而溫者即中平也 春雨甲申五穀熟夏雨甲申

五穀大好 神農占曰正月上朔有風雨三月穀貴石五百錢 黃帝占曰春雨甲寅乙卯入地五寸糴小貴

若不貴夏穀貴 正月丙丁為朔稔黍貴戊己為朔粟
貴庚辛為朔麻稻貴甲乙為朔大小麥貴壬癸為朔大
小豆貴 正月三日當風不風則莫不同者謂無黍

東方朔占曰正月朔日雨歲中下田麥成禾黍小貴

沛公占常以正月甲辰先至大麥貴丙辰先至黍貴戊
辰先至粟貴庚辰先至大豆貴壬辰先至小豆貴 正

月一日得寅貴盡十二日以占十二月 黃帝占曰正
月晦二月朔有風雨稻惡糴貴二月晦三月朔有風雨

其年大水麥惡十二月晦正月朔風雨春旱三月晦四月朔有風雨春糴貴四月晦五月朔有風雨其年大水麥惡五月晦六月朔有風雨春旱六月晦七月朔有風雨春糴貴七月晦八月朔有風雨歲糴貴東方朔占曰三月得己朔大麥熟庚朔未熟兵賊起辛朔下田不収壬朔赤地千里米穀貴癸朔熟三月有三卯大豆好無三卯旱種禾四月丙午夏苗長四月無三卯旱種麻京房占曰五月無三卯旱種大豆六月無三卯

稼不好 神農占曰八月有三邠麥大善無三邠麥不
善 京房占曰八月無三邠旱種麥 黃帝占曰四月
朔日風起東來雞鳴至日出禾黍畝三斛至日中畝二
十斛至夜半畝三十斛以中田准之 黃帝占曰夏至
以五月朔日至者其國大驚穀小貴四月五日六日至
者穀大貴十日十二日至者五穀大貴二十七日二十
九日至者國王大驚以晦日至者國有大喪六月朔至
者人民相食及五年事四月至上又云夏至在天門土

國大驚在地戶谷雨五穀大貴在人門為三公羣臣大夫穀貴必察之二日之中又五六月晦朔日夏至者賣田宅穀貴十倍人民相食其歲惡田宅雖賤慎勿取之立夏戊子大風自北來糴石三百倍貴黃帝要經曰春雨乙卯夏糴貴夏雨丁卯秋糴貴秋雨辛卯冬糴貴冬雨癸卯春糴貴倍雨一卯斛百文雨二卯斛二百雨三卯斛三百雨四卯斛一斤金沛公占曰三月一日乙卯荆楚賤得丁卯周秦貴得己卯燕趙貴得辛卯

韓魏貴得癸卯梁魯貴

神農占曰凡蟲食李則黍貴

食棗粟貴食杏麥貴食荊麻貴食桑絲貴 正月上朔

日風從東來植禾善風從南來植黍善風從北來稚禾
善四月四日風從東來植豆善西來四日至七日中善
七日至十日稚禾善十四日無風不可種豆從東至日

到來年滿六十日有大風雨折樹木麥大善從平朔至
食時植麥善至日中中麥善至日入稚麥善常以夏至
後九十日可種 四月朔日風從東來從平明至辰時

植黍善至日中中黍善至日入稚黍善

正月朔日

日清明蚕善

京房占曰正月一日候風平明和調不

風植稼蠶善日中和調中稼稚蠶善至暮無風五穀桑

蠶滋茂人民六畜無病 沛公占曰正月一日平明溫

不風早蠶善日中不風中蠶善日入不風稚蠶善終日

不風植稚皆善 東方朔曰正月朔日當溫更風雨者

米大貴蠶傷風起西方來年兵革貴 京房曰太歲在

寅歲中三十日大陰蠶不登菽麥昌人民食四升 太

歲在卯中調和豆麥昌人民食五升旱四十日在六月

太歲在辰歲中旱三十日六月大風旱六十日歲人

病豆成 太歲在巳小兵起大麥登四十日旱在六月

百物賤不宜早蠶晚者成五穀熟 太歲在午五百日

早蠶登百穀不為晚蠶傷兵草起六畜小兒死 太歲

在未十月小兵豆登麥惡旱蠶不成晚者好旱六十日

在二月 太歲在申蠶登麥熟五穀旱五十日人多病

兵草起早蠶不成晚者好 太歲在酉兵起人病早蠶

不登晚者好六畜傷六月七月旱 太歲在戌兵起蠶
不登肉賤牛馬貴高山旱人飢米斗七十文 太歲在
亥兵起人飢人多病憂在四十日在州旱七十日豆麥
好五穀成蠶子如星 太歲在子水旱不時五穀不成
旱三十三日在六月西方米麥暴貴 太歲在丑有兵
起早蠶不成晚者好人民不安 黃帝占曰太歲在亥
名曰天空糴法當貴 太歲在丑名曰陰盡陽起可取
陽穀陽穀者粟也 太歲在巳名曰地空糴法當貴

太歲在未名曰陽盡陰起可取陰穀陰穀者黍也 太

陰乘寅早水晚旱蠶禾菽麥昌人食四升 太陰乘卯

禾稻菽麥黍昌人食二升 太陰乘辰早早晚水人飢

豆昌麥熟民食二升 太歲乘巳小兵動蠶麥昌二升

太陰乘午大旱蠶成稻菽麥昌禾不為二升 太歲

乘未小兵起蠶稻昌菽麥不為三升 太陰乘酉大兵

民疫蠶菽麥皆不成民食七升大耗 太陰乘亥有兵

麥禾善五升 太陰乘子天大霧歲水大出稻麥蠶禾

昌民食三升 大陰乘丑歲小兵早蠶不登稻疾菽不成麥昌民食三升 黃帝占曰正月一日二日雨民食二升三日四日雨民食四升五日六日雨民食六升七日八日雨民食一升十日雨不占 師曠占曰正月七日風從西北來起荆地弱來人民霖變訟六畜貴穀亦貴過度歲不善 京房占曰正月初一日為雞二日為狗三日為羊四日為猪五日為牛六日為馬七日為人八日為穀和調不風寒即人不病六畜不死亡 郝萌

曰常以正月朔日暮候東井上有雲歲水潦務耕山田
高處 東方朔曰常以正月一日夜半子時候東方有
黃色雲者春大赦南方有黃雲者夏有赦西方有黃雲
者秋有赦北方有黃雲者冬有赦雜者皇太子有赦有
黑雲雜者必有皇后若女子之赦 京房易占曰正

月一日雲氣五色條且精神十二律氣各具歲則天下
太平風雨從西北起糴貴 神農曰正月有甲子糴初
貴後賤 沛公曰正月甲寅先至棺木貴丙寅先至絲

帛貴壬寅先至魚鹽貴各三倍 正月朔日大風發屋
折木揚沙動石其歲惡風從東方來人民多疾病風從
南方來大旱風從西方來六畜死亡傷風從北方來下
田不收高田好 常從冬至後却數到來年正月上旬
滿五十日食足不滿一日之月過一日長一月 神農
曰正月上辛溫者善風寒者不好 黃帝占曰常以正
月八月夜候月在昴東年中大喜月在昴西歲多雨月
在昴北其年大惡月在昴南其年大旱 京房曰正月

八月候月在參東大善在參西多水蟲在參北大惡

黃帝占經曰春不欲雨乙卯夏不欲雨丁卯秋不欲雨
辛卯冬不欲雨癸卯以此四卯日雨者人民多病 黃

帝占曰常以正月一日夜半子時至明視北方有黑雲
七月水四丈七尺青雲必有疾病流行燕趙當之赤黃
雲人民大飢國多刑獄白雲素服之變赤雲國有喜母
子同光女有昌視南有赤雲當大旱赤地千里五月炎
旱六月有風雨發屋折木并白雲國有大喪天子失喪

坐有黑雲大水不出其年五月有青雲者大吉婦女謀
內視西方有白雲秋有兵內相走宮鐘不鳴劒戟交鋒
有青雲大凶君克臣必死物在市不出其年九月黑雲
者大吉利 秋雨甲申六畜多死冬雨甲申人民疾病
九月晦十月朔有風雨其歲惡有小水十月晦十一
月朔有風雨人民多死四月一日二日得酉人民大樂
三日四日得酉人民悅和五日六日得酉人民多疾病
七日八日得酉人民多病九日十日得酉人民多流十

一日十二日得酉人民自相食大凶 京房曰五月朔
日當熱而風雨者米貴人食草木風從北方來禾大敗
人民相食 黃帝占曰立夏後五日虹始出者萬物皆
實 冬至後一日二日得酉其歲半熟三日四日得酉
人民大樂五日六日得酉田禾大熟七日八日得酉大
惡九日得酉五穀大貴十日十一二日得酉五穀大成
傷害六畜寇賊多興十三日得酉人民相戰大凶災八
方俱沸沸酉者金兵之本收成之元首 京房曰冬至

後一日有壬無雨二日有壬稚再生三日四日有壬上
下皆熟五日六日有壬溝渠溢苗易治七日八日有壬
水橫流九日十日有壬無立牆過十日有壬還一等至
後三日七日有壬苗難治 黃帝占曰青車木位甲寅
之精不周風至一日賊風至棺木貴葦席賤廣莫風至
材木貴葵韭賤條風至葱薤賤藟藿貴明庶風至桮朽
賤蒲席貴清明風至棺木賤葦席貴景風至材木
賤葵韭貴涼風至藟藿賤葱薤貴閭闔風至蒲席賤桮

朽貴 火車丙寅之精不周風至枲麻絡賤黃白綠貴廣
莫風至纁縷賤錦綉貴條風至布縷賤繒帛貴明庶風
至綿皮草賤絺絮貴清明風至黃白綠賤枲麻絡貴景
風至錦綉絺賤纁縷貴涼風至繒席賤布縷貴閭闔風至
絺絮賤綿皮草貴 土車戊寅之精不周風至稻賤秫木
麥貴廣莫風至小荳賤黍貴條風至大豆賤粟貴明庶
風至大麥賤麻縑貴清明風至秫與小麥賤稻貴景風
至黍賤小豆貴涼風至粟賤大豆貴閭闔風至麻縑賤

大麥貴 金車庚寅之精不周風至鐵器賤鉛錫貴廣莫
風至膠漆賤黃金貴條風至珠璣賤銅器貴明庶風至
玉器賤田宅貴清明風至鉛錫賤鐵器貴景風至黃金
賤膠漆貴涼風至銅器賤珠璣貴閭闔風至田宅賤玉
器貴 水車壬寅之精不周風發鹽豉賤海錯貴廣莫
風至雞犬賤鯉魚貴條風發猪狔賤生魚貴明庶風發
牛馬賤羊羔貴清明風發海魚賤鹽豉貴景風發鯉魚
賤雞犬貴涼風發生魚賤猪狔貴閭闔風至羊羔賤牛

馬貴凡五寅之風所從吹本鄉來之處賤風往所衝之處為貴一日分出時終日貴在六十日從日入至夜半貴在二旬中從夜半至雞鳴平明貴在一時常以庚寅之日候五車金星動故有耗其物金鐵貴動而不明即貴有大風寒折木發屋即大貴大風寒大貴小風寒小貴其溫即賤不風寒自如常以壬寅之日候五車水星主船筏六畜水中自行者故水車星動微黑即貴水物有大風寒折木發屋者大貴大風寒大貴小風寒

小貴不風寒自如 常以甲寅之日候五車木星立柱
材木苗蘆薪苛茅故木車星動微青即貴有風寒折木
發屋大風寒大貴小風寒小貴其溫即賤不風寒自如
常以丙寅之日候五車火星主蟲采繒帛皮草色赤
動即貴有大風發屋折木大風寒大貴小風寒小貴其
溫即賤不風寒自如 常以戊寅之日候五車土星主
土公田宅五穀其星赤黃有柱動即穀貴有大風寒發
屋折木大風寒大貴小風寒小貴溫即賤不風寒自如

唐開元占經卷一百十一

欽定四庫全書

唐開元占經卷一百十二

竹木草藥占

唐 瞿曇悉達 撰

草木休徵

朱草

孫氏瑞應圖曰朱草者草之精也聖人之德無所不至則生 鶚冠子曰惟聖人能正其音調其聲故德上及泰清下及泰寧中及萬靈朱草生 尚書大傳曰德光

地序則朱草生 淮南子曰太清之世流黃出朱草生

春秋運斗樞曰璇星得則朱草生 尚書侯曰文命

得成俊又在官朱草生郊 魏畧曰文帝欲禪朱草生

於文昌殿側 大戴禮曰朱草生日生一葉至十五日

止十六日落一葉

嘉禾

春秋感精符曰德淪於地則嘉禾生 春秋運斗樞曰

璇星得則嘉禾液

福草

禮斗威儀曰君乘木而王福草生於廟中 瑞應圖
曰福草者宗廟齋敬則生宗廟中

芝草

運斗樞曰瑤光得則陵出芝草 瑞應曰芝草者親近
耆老養有道則生 地鏡曰敬事耆老不失舊故則芝
草生

禾連理

地鏡曰不失民心則木連理生

木同本異枝

京房曰有木同本而異枝是華光國有吉昌五穀登他
民歸國 京房傳曰樹同本異末君有慶諸侯朝

木卒長

地鏡曰國治樹木卒長自大其君方有嘉 京房易傳
曰木成員圍以上一夜長數丈當有臣強於君

木生君屋上及朝廷

地鏡曰木卒生人屋室上其地出聖人 京房易傳曰

木生於君屋上及朝廷其君有聖子

木生木及木垂枝

地鏡曰木生木國益土 又曰木生枝盡向下者大吉

木偃自起及木生有實

京房曰有偃木而起歲有大吉 木生有實其邑有慶

竹木咎徵

竹木自死疾疫非時枯落

地鏡曰竹栢枝遍一百里是謂陰消陽國必亡 又曰
竹栢夏枯王侯失位 又曰樹木非其時而枯是謂金
尅伐不出一年暴兵外國來 又曰凡樹忽生死主易
兵將至 又曰社樹自死世主國君亡 京房曰有木
夏落葉有兵喪 京房易侯曰秋葉落七十步人民移
徙大飛揚人民離鄉 地鏡曰木葉非時落去本七十
步國有兵民棄故鄉

木生復死

京房易侯曰枯楊生萇斷枯復生天辟當之地鏡曰
竹葦樹木枯死忽復生輔臣執政流其令又曰枯木
冬生易謂陰陽易位不出二年國有喪小人近君子亡
又曰木實當死者反生世主凶京房易傳曰木枯
而生不及二年國有大喪上貪色以寵人為主又曰
枯楊生花國后當之

木冬榮

地鏡曰木冬生有兵民流一曰君失政又曰木冬華

當生反死 京房曰木冬生王者不平有卿相出走
又曰有木冬榮泰不成 又曰木冬生國后當之

木再榮

地鏡曰木一歲再花實有兵民流 又曰木再榮世主
墮手姬女致兵之象 又曰桃再花夏有霜杏再花夏
有電李再花春有霜榆再莢有寬令當死反生 又曰
木春冬再作實世主凶秋夏再花實隣國逼之 京房
曰木歲再花國后當之 又曰木一歲再實隣國來其

國 又曰木再榮於夏后亡國有喪若五穀不熟百姓
罷作

桑穀自生朝廷及木生不入土

地鏡曰桑穀俱生於廟廷世主廢賢用不肖 又曰木
生不入土而獨立天下危

木卒生道中及木卒枝

地鏡曰木卒生道中君失治九宮廢 又曰木無故一
夜十枝繁生邑將虛

木傷葉及木自鳴

地鏡曰木生一枝偏無葉歲惡民飢 又曰木忽自鳴
主死自鳴作金聲者主地方分裂

木哭泣及出血并生齒

地鏡曰樹木泣天下有兵 京房飛侯曰樹哭實邑虛
虛邑實 地鏡曰木無故血出及汁流出地邑敗有兵
京房曰伐木有血侯王有憂 又曰林木生齒有兵起
榆莢不落

京房曰榆莢不落國受大咎

竹實反枝

地鏡曰竹實衆鳥羣行不出二年大飢 又曰竹忽實而枯主易民飢 又曰國中竹皆盡枯地失

黍稷生疣

京房易傳曰黍生疣大君有憂相去亡稷生疣大君憂大臣死

蓬葉生

京房易傳曰蓬葉繁興歲不熟



唐開元占經卷一百十二

欽定四庫全書

子部

唐開元占經卷一百十三
四

詳校官中書_臣李采

靈臺郎_臣倪廷梅覆勘

總校官編修_臣王燕緒

校對官中書_臣王慶長

謄錄監生_臣龔際英

欽定四庫全書

唐開元占經卷一百一十三

瞿曇悉達撰

人及神鬼占

人名體

春秋說題辭曰人者仁也以心合也

宋均曰與他相偶合也

易

曰立人之道曰仁與義春秋繁露曰人有三百六十

六節耳目之明日月之象外有四支副時數也乍視乍

暝副晝夜也乍哀乍樂副陰陽也 白虎通曰人有五藏六府所應五行六合也 大戴禮曰天地人一二三三三九九八十一主日日數十故人十月而生人生暮晬然後行三年頭然後合焉 孝經援神契曰頭圓法天足方象地五藏象五行四支法四時九竅法九州兩目法日月肝仁肺義脾信心禮膽斷腎智旁光須髮象星辰卽象月歲腸法經緯

人瑞

真人

禮斗威儀曰君乘土而王其政太平黃真人游於後池

宋均注曰黃土色遊於後宮之池則黃帝問道於玄女素女是也

孫氏瑞應圖曰真

人者黃帝時遊於池王者著德不貪貨利則金人乘金船遊王後池又曰王者德至則金人遊於池

玉女

禮含文嘉曰禹卑宮室盡力溝洫百穀用成玉女敬降

養

宋均注云玉女有人如玉色也天降精生玉女使能養人美女玉色養以延壽也

賢聖進

春秋繁露曰君恩及保蟲城郭充實則賢聖皆進 鄭
玄注論語云周公相成王致太平時四乳而生八子皆
有賢行和氣之所致也

長人見

魏志曰咸熙二年晉太子昭封襄武縣言有大人見長
三丈餘跡長三尺二寸白巾著黃單衣黃巾拄杖或云
今當太平

人恠

長人入國

京房曰君暴亂疾有道厥妖長狄入國 左傳文公十

一年敗狄於鹹穀梁公羊傳曰長狄也兄弟三人一者

之魯一者之齊一者之晉煞之身橫九畝

五丈四尺

斷其首

而載之眉見於軾何以書記異也劉向以為時周室衰

微三國為大可責者也天戒若曰不行禮義大為夷狄

之行將致危亡其後三國皆有篡逆之禍近下人伐上之

病也 史記秦始皇帝二十六年有大人長五丈足跡

六尺皆夷狄服凡十二人見于臨洮天戒若曰大為夷狄之行將受其禍是歲秦始皇初并六國反意以為瑞銷天下兵器作金人十二像之自言賢聖燔詩書坑儒士奢媼暴虐務欲廣地南戍五嶺北築長城以備胡越塹山填谷西自臨洮東至大遼東西徑數千里故大人見於臨洮明禍亂之起也後十四年而秦亡

人走入宮室

春秋潛潭巴曰有人入宮之禍極效之驗也 又曰有

人走入宮不知其名大水為災國驚羣猾並謀 漢書

五行志曰成帝建始三年七月丁未渭上女子陳持弓

年九歲言大水至走入城入未央宮尚方掖門殿門門內

諸衛戶者莫見至鉤楯省乃見民驚走上城此下將篡國

因女寵有宮室之象也後王氏兄弟父子五侯秉權至

莽卒篡天下 又曰成帝綏和二年八月庚申鄭通里

男子王褒衣絳衣小冠帶鉤入北司馬殿東門上前殿

入非常室解帷組結佩之曰天帝令我居此署長業等

收縛考問褒故公車大誰卒

應劭曰在司馬殿門掌謹呵也

病狂易不

自知入宮後王莽篡之象

續漢書云靈帝光和中雒

陽男子以弓箭射闕北吏收考問辭居貧負責無所聊

生因買弓箭以射闕近射妖也其後車騎將軍何苗與

兄大將軍進部曲相疑對相攻擊戰於闕下苗死敗殺

數千人雒陽宮室因火延燒盡風俗通曰靈帝光和

元年南宮中黃門寺有一男子長九尺白衣中黃門吏

呵問汝何等人白衣妄入宮曰我梁伯夏天使我為天

子更欲收取忽不見董卓之應也 王陵晉書惠帝紀

曰齊王冏為大司馬十二月有白頭老公入司馬府大呼有大兵起不出甲子旬即收都衛考竟殉於內外

演晉漢春秋曰齊王冏輔政大安元年有一婦詣大司馬門求寄產吏乃詰之婦曰待我截臍便去言訖不見有位者聞而惡焉至二年而冏被誅

訛言

漢書王莽傳曰建國元年長安狂女子碧呼道中高皇

帝大怒趣歸我國不者九月殺汝莽收捕殺之幽州
錄曰吳郡張茂度在益州時忽有人道朝廷誅徐羨之
傅亮謝晦三人遂傳紛紜張推問造言之主問何由
言此荅曰實無所承恍惚不知言之耳張鞭之傳者遂
息後乃驗日月正與符同沈約宋書曰大明二年民
築治廣陵城劉誕出巡行有人揚聲大罵曰大兵尋至
何以辛苦百姓使執之問其本末荅曰夷姓名孫家在
海陵天公與佛道共議欲燒此間人民道佛苦諫強得

至今大禍將至何不立六慎門誕問六慎云何答曰古
言禍不過六慎門誕以其言狂悖殺之又五軍士忽狂
見鬼驚怖啼哭曰外軍圍城城上張白布帆執錄二十
餘日乃散築城之日雲霧晦暝白虹臨門連蜀城內

童謠

漢書五行志曰言之不從是謂不義時則有詩妖君亢
陽而虐臣畏刑而箝口則怨謗之氣發於歌謠故有詩
妖 鴻範五行傳曰下既非君上之刑畏嚴刑而不敢

正言則先發於歌歌口事也氣逆則惡言至或有恠謠
以此占之故曰詩妖古者人君必視人民聽其歌謠以
省國政 左傳曰僖公五年晉侯伐虢八月甲午圍上

陽問卜偃曰吾其濟乎對曰克之公曰何時對曰童謠

有云丙之晨龍尾伏辰

龍尾尾星也日月之會曰辰日在尾故尾星伏而不見也均

服振振取號之旂

戎事上下同服振振盛貌旂軍之旌旗也

鵠之責責天策

焞焞火中成軍號公其奔

鵠鵠火星也責責鳥星之體也天策傳說星時近日星微

焞焞無光耀也言丙子平旦鵠火中軍事有成功也此已上皆童謠言也童子未有念慮之感而會成嬉戲之言

似若有憑者其言或中或否博覽之士能懼思之其九人兼而志之以為炯戒以為將來之驗有益於世教

月十月之交乎

以星驗之知九月十月之交謂夏之九月十月也交晦朔交會

丙子旦日在

尾月在策

是夜日月合朔於尾月行疾故至旦而過在策

鶉火中必是時也冬十二

月丙子朔晉滅虢虢公醜奔京師

周之十二月也夏之十月也

左傳

曰文成之世童謠曰鸛之鵒之公出辱之鸛鵒之羽公

在外野往饋之馬鸛鵒跕跕公在乾侯徵褰與襦鸛鵒

之巢遠哉搖搖稠父喪勞宋父以驕鸛鵒鸛鵒往歌來

哭至昭公時鸛鵒來巢公攻季氏敗出奔在外野次乾

侯八年薨於外歸葬魯昭公名稠公子宋立是為定公
異苑曰秦世有童謠云秦始皇奄僊僊開吾戶據吾
床飲吾酒唾吾漿食飲以為糧張弓射東牆前至沙丘
當滅亡始皇既坑儒焚典乃發孔子墓欲取經傳壙既
啓悉如謠者之言又言謠文藏在冢壁始皇甚惡之反
問之還沙丘而脩別路見羣小兒輦沙為阜問之云沙
丘也從此得疾而殂 漢書五行志曰元帝時童謠云
井水溢滅竈烟灌玉堂流金門至成帝建始二年三月

戊子北宮中井泉水溢出南流象春秋時有鸛鵒之詔而後有來巢之驗井水陰也竈烟陽也玉堂金門至尊之居象陰盛而滅陽竊有宮室之應也王莽生於元帝初元四年成帝封為三公輔政因以篡位又曰成帝時童謠曰燕燕尾涎涎張公子時相見木門倉琅根燕飛來啄皇孫皇孫死燕啄矢其後帝為微行出遊常與富平侯張放俱稱富平侯家人過河陽公主作樂見舞者趙飛燕而幸之故曰燕燕尾涎涎美好貌也張公子謂富

平侯也木門倉琅根謂宮門銅鍤

服虔曰門銅樞也應劭曰門銅鋪首鍤也

蘇林曰鍤音鍤

言將尊貴也後遂立為皇后弟昭儀賊害後宮

皇子卒皆伏辜所謂燕飛來啄皇孫皇孫死燕啄矢者

也又曰成帝時童謠曰邪徑敗良田讒言亂善人桂樹

花不實黃爵巢其巔昔為人所羨今為人所憐桂樹亦

色漢家象花不實無繼嗣也王莽自謂黃象黃爵巢其

巔象也續漢書曰更始時南陽有童謠曰諧不諧在赤

眉得不得在河北是時更始在長安世祖為大司馬平定

河北更始大臣並見然是更始之不諧在赤眉也世祖
由河北興 又曰世祖建武中蜀童謠曰黃牛白腹五
銖當復是時公孫述僭號於蜀時人竊言莽稱黃述欲
繼之故稱白腹五銖漢家貨明當復也述遂誅滅 又
曰順帝之末京都童謠曰直如弦死道邊曲如鉤反封
侯案順帝即世孝質短祚大將軍梁冀貪樹䟽幼李固
以為清河雅性聰明敦詩悅禮加以屬親立長則順置
善則固而冀私白太后策免固因徵蠡吾侯遂即至尊固

由是結怨幽斃於獄暴尸道路而太尉胡廣封安樂鄉侯司徒趙戒尉亭侯司空袁陽安國亭侯又曰桓帝之時京都童謠曰城上烏尾畢逋父為吏子為徒一徒死百乘車車班班入河間河間姪女工數錢以錢為室金為堂石上慊慊春黃梁梁下有懸鼓我欲擊之丞卿怒案此謠皆謂為政貪也城上烏尾畢逋者處高利獨食不與下共謂人主多聚斂也父為吏子為徒者言蠻夷將叛逆父既為軍吏其子又為卒徒往擊之也一徒死百乘車

者言前一人往討廣既死矣後又遣百乘車往也車班
班入河間者言桓帝將崩鑾輿班班入河間迎靈帝也
河間姪女工數錢以錢為室金為堂者言靈帝既立其
母永樂太后好聚金錢以為堂室也石上慙慙舂黃梁
者永樂雖積金錢猶慙慙常若不足使人舂黃梁而食
之也梁下有懸鼓我欲擊之丞卿怒者永樂教
靈帝使賣官受錢所祿非其人天下忠篤之士怨望欲
擊懸鼓以求見丞卿主鼓者亦復諂順怒而止我也 又

曰獻帝踐祚之初京都童謠曰千里草何青青十日卜
不得生紫千里草為董十日卜為卓青青暴強之貌不
得生者亦旋破亡也 魏畧曰令狐愚字公冶太原人
為兗州刺史愚見吳未平而齊王芳年少又聞楚王有
智勇初東郡有謠云白馬出河妖馬夜過官叔鞠嗚呼
衆馬皆應明日見跡大如斛行數里還入河中又有謠
言白馬素羈西南馳其誰乘者朱虎騎愚既聞此謠又
聞大司馬楚王小字朱虎故遂與其舅王陵陰謀立楚

王愚病死後發覺刀割愚棺而戮尸焉 吳志曰初興
年中吳中童謠曰黃金車斑斕昌門出天子昌門吳西
郭門也夫差所作也其後孫氏興焉異苑曰義熙中童
謠云長作掃帚樞作杷掃除洛中迎瑯琊及十一年晉
大軍至洛修復園陵時封琅邪王也 中興徵祥說曰
大和中童謠曰青青御路楊白馬紫縷韁汝非皇太子
那得甘露漿又曰鳳凰生一雛天下莫不喜本言是馬駒何
悟成龍子是時海西公寵愛殿中常侍相龍等因共為

亂生子男三人海西以為己子將欲立之既而被廢以馬韁殺三子三子死之明日南方獻甘露焉

中興徵祥說曰隆和中謠曰升平不滿斗隆和那得久
哀皇聞而惡之改為興寧又謠曰雖復改興寧只自無
聊生尋哀帝中藥不識萬幾 異苑曰石勒末年謠曰
一杯水食者旨石勒死人不知不信我語視鹽池三月
忽變而生渥七月而勒死池還如先 又曰符堅域中
謠曰河水濁復清符詔死新城 又謠曰肩不過項及

其南侵其相王猛諫曰童謠有云肩不過項此不宜遠行之徵也不從果敗於壽春之項城

人生角及自出地

京房曰權臣專政厥妖人生角 漢書五行志曰景帝二年九月膠東人年七十餘生角角有毛角兵象老人吳王象也年七十七國象也時膠西濟南臨淄膠東四王謀反連楚趙凡七國 華陽國志云李勢未亡之前涪陵有民頭生角長三寸凡三截之 京房易傳曰人

自地出君有憂民散流國亡地

男化為女

春秋潛潭巴曰小人聚天子弱則丈夫化為女子 京
房曰丈夫化為婦人茲謂柔勝強陰勝陽邦必亡又曰
男化為女有異姓來其國 蜀王本紀曰武都丈夫化
為女子顏色美好蓋山精也蜀王取為后后死蜀王於武
都擔土於成都葬之故地號曰武擔以石鏡一表其墓
漢書五行志曰哀帝建平三年豫章有男子化為女

子嫁為人婦生子長安陳鳳言陽變為陰將無繼嗣自相生之象生一子將復一世絕也

女化為男

春秋潛潭巴曰賢人去位天子獨居則女化為丈夫

京房曰女子化為男子茲謂陰昌賤人為政其邦必亡

又曰君將絕嗣則君妻化為男 紀年曰晉定公二

十五年西山女子化為丈夫與之妻能生子其年鄭一

女生四十人二十人死 史記曰魏襄王三年魏有女子

化丈夫 續漢書五行志曰獻帝建安七年越雋有女
子化為男子時周羣上言哀帝時亦有此將有代易之事至二
十五年帝封山陽公

人生而能言

京房易傳曰言之不知則人生而能言天使代其言也 又
曰人生而能言言善則善言惡則惡此國之徵 地鏡
曰多有讒賊人生而言

人生而能行

京房曰人生而行其國大昌其君有憂 又曰自受其
殃黔首散亡 地鏡曰王事急民欲流亡國有兵則人
生而能行

人相食

續漢書五行志曰靈帝建寧三年河內婦食夫河南夫
食婦 異苑曰後漢桓帝元嘉元年任城民婦生兒即
自取食之又謂姑曰天使如此我亦行死尸僵者門閭
安歌者失半覆則盡滅言畢而匍匐復產一兒而兩頭

五人楊難自王仇池分國之應也

人生子異形

天鏡曰婦女一時生三男不出三年外國來生三女國
有陰私 春秋潛潭巴曰人生五首猾大起 京房曰
人生子首在背天下易鄉 天鏡曰人生兩首不出三
年上帝命王征四方布令天下 又曰人生四頭兩目
世主大哀人生多頭君王有咎民顛沛流亡 地鏡曰
天下憂主凶民流亡則人生有四目 天鏡曰人生三

目橫兵並起為害 京房曰人生子有一目其國不寧

春秋演孔圖曰崇高將亡陰不承陽怨望生則十口

之人出 京房曰人生有二口以上國主見驚以兵

天鏡曰人生兩口五穀不登百姓喪亡 京房曰人生

子舌長天下有兵 人生子有一耳是謂不聰 人生

有三耳以上是謂多方其國無王 又曰是謂多聰國

事無定 人生子有一手是謂不壽其國有咎 人生

有三臂有反臣 人生有三手以上臣謀主 人生三

足是謂非常天下有兵 天鏡曰人生多足是謂大役
其國東西移走 人生有三足不出二年國有兵喪

京房曰人生子有一足是謂不行國主亡 人生子有

三十指民流亡 人生子有二鼻有民謀其主 人生

有二背臣反主亡 天鏡曰人生兩身世主被殃民人

散亡 人生兩腹不出三年歲大熟民食足 京房曰

人生子有三腹其國分 人生有二腹是謂惡祥國主

以仇亡 人生子目在首上及後天子亡 天鏡曰人

生目著腹五穀豐橫兵起 京房曰人生子目在項背

天子不安 人生子目在臂及手天下有大事 人主

子目在腋下天下不相見 人生子目在陰天子亡位

人生子目在踵及足是謂下視天下大兵 人生子

口在首上及在後國主亡 天鏡曰人生子兩口在背

國無兵人民行五穀昌 京房曰人生子口在肢臣主

亡 人生子口在腹旁天下有兵一曰為天德五穀豐

熟 人生子口在節天下民大飢流亡 人生子鼻在

背及項天下不寧 人生子鼻在首前太子有殃 人

生子鼻在腹天下大荒 人生子鼻在四肢節天子亡

人生子鼻在陰是謂不恒天子降 人生子耳在首

上及前後天下有兵民流亡國君喪 人生子耳在腹

天下兵 人生子耳在背及肩項天下有憂 人生子

耳在四肢及手足有反主者 人生子腹在背天下飢

人生子腹在手上前後天下民飢兵作 人生子腹

在四肢足天下有大兵又曰天子易 人生子四肢在

背天下亂於兵 人生子陰在首天下大亂在背天子
無後 人生子陰在腹天下有大事 京房易侯曰人

生子足小此謂下約不出三年邦消亡 漢書五行志

曰平帝元始六年六月長安女子生兒兩頭異頸面相
向四臂共胷尻上有目長二寸所若六畜首目在下茲
謂亡上政將變更凡妖之作以譴失正各象其類二首下不
一也手多所任邪也足少下不勝任也 風俗通曰靈帝

光和二年洛陽上西門外女子生兒兩頭異肩四臂共

胃俱前向以為不祥隨地棄去朝廷變亂上下無別二頭之象也 春秋運斗樞曰人主不省山川之祠州土之位不應天府斬伐無度懷山絕渠則人生大頭 天鏡曰人生子頭如囊者主有咎凶 又曰人生頭大不出三年將有大師來伐其國 又曰人生無頭世主方凶 京房曰人生子無目其國主暴死 人生子無口其國主見賊 又曰多疾 春秋運斗樞曰上槩下塞則人無唇 京房曰人生子無唇是謂不祥國主死亡 人

生子無耳天子不聰 天鏡曰人生而無口鼻耳世主
凶其國年熟 人生子無鼻其國主疾病 人生子無
足歲大飢 人生子無手主有客兵至 人生子無手
掌世主大憂疾病 人生無足世有喪徵也 人生無
足不出三年其國空 京房曰人生子無指天子有更
令 人生子無腹其國年大熟 人生子無四肢其國
主君臣有反者 人生子無陰其國主無后 人生子
無尻國主以仇亡 天鏡曰人生子無頭不出三年有

大師來伐其國

人生子無骨其國主昌

魏志公孫

述時襄平北市有人生肉長圍各數尺有頭目口喙無手足而動搖此赤眚也占曰有形不成有體無聲其滅亡必也

人生六畜

京房曰人生六畜是謂更有王天下易主 人生馬百

姓勞苦 人生彘犬人君失道 人生彘貴人牽義民

不義 人生六畜形人面者天子不聰 人生六畜口

在手之上及腹天下有大兵 人生六畜口在腹背胷
天下有反者 人生子人形六畜面更天子 人生六
畜口在陰天下有惡天子 人生六畜耳在手上天下
有憂又云有反者 人生六畜耳在四肢天下有兵一
曰天下大荒 人生六畜耳在腹及胷天下有反臣
人生六畜耳在陰羣臣常謀天下 人生六畜四肢在
腹及首天下大亂 人生六畜有三首以上天下樂昌
人生六畜有兩身天下有重兵 人生六畜有三目

以上天下有亂臣 人生六畜有一目國令不行 人生六畜有兩口以上天下有兵 人生六畜有三耳以上天下有大事 人生六畜有一耳國主不聰 人生六畜有兩鼻以上有謀反者 人生六畜有一足天下無主 人生六畜有二足天下有大憂 人生六畜陰在首上天子失位 人生六畜有二陰以上國主多子 人生六畜有四肢無節天下有不善者 人生六畜有二尾以上國有大事 人生六畜有毛無羽天子失位

人生六畜有羽無毛天子無朝之者 人生六畜身

半有毛半無毛國有大事 人生六畜無面天下兵作

人生六畜無首天下無主天子失位 人生六畜無

目社稷亡 人生六畜無口天下大飢重有大兵 人

生六畜無鼻天下有災 人生六畜無耳天子無令臣

人生六畜無腹天下大飢重以大兵 人生六畜無

四肢天子無忠臣 人生六畜無陰天子無後 人生

六畜無骨筋肉天下昌 人生六畜無尾是謂無後近

臣反殺主 人生六畜無毛天下貧民飢 地鏡曰兵
起則人生牛馬

人生野獸飛鳥

天鏡曰人生野獸國君兄弟分別不出一年夷狄內侵
京房曰人生野獸天下不通 人生野獸有他變形
天下大兵凶亡 京房易侯曰人生飛鳥茲謂不祥司
馬將兵上卿亡 人生子形如飛鳥面者非常兵行
人生子人面飛鳥形者大水行兵戰 人生飛鳥有人

形體者天下分 天鏡曰人生飛鳥君憂小民散流

人生五穀草木雜物

京房曰人生子盡為五穀國民昌 人生子盡為草木
國主死 人生子盡為石兵強 人生他物非人所見
聞者皆為天下有兵

人生龍蛇虫魚

地鏡曰國君見伐則人生龍 京房曰人生龍有異姓
來相其國君將亡 人生子人面而龍蛇形者天下有

兵紀年曰令王四年碧陽君之諸御產二龍人生
子人形而龍蛇面者天下飢其兵合人生蛇蜂蠱天
下有并民人生蛇蜥蜴國破有喪君走人生子魚
為首者有大水

人死而更生

天鏡曰人死復生國有大病五穀死兵起京房曰子
不三年改父之道則為私厥妖人死更生左傳曰晉殺
秦諜於絳七日復生續漢書五行志曰獻帝初平中

長沙人姓桓死棺斂月餘其母聞棺中有聲發之遂生
至陰為陽下人為上其後曹公由匹庶起也 又曰獻
帝建安四年武陵宛縣女子李娥年六十餘死於城外
已四十年行人聞塚中有聲發出遂活 京房易傳曰
死人復行五穀不登兵革大起

女生赤毛

京房易傳曰人君尊卑無別則女生赤毛

神瑞

西王母

帝王世紀曰舜時羣瑞畢臻昆崙之北玉山之神人身虎首豹尾蓬頭戴勝執几杖皓然白石城金室而居南有青鳥常為取食名曰西王母慕舜之德來獻白環及貢並地圖 瑞應圖曰王者承先王法度無遺失則來黃帝時西王母使使乘白鹿來獻白環 大戴禮曰舜

以天德嗣堯布恩散德日月出入莫不率俾西王母來

獻玉琯

異苑云零陵文學奚景於舜廟下得玉琯一即舜西王母所獻玉琯也漢律歷志注云西王母

獻舜白玉管
以玉為管也

四海神

金匱曰武王伐紂都洛邑陰寒雨雪一十餘日深丈餘
甲子朔旦有五丈夫乘馬車從兩騎至王門外欲謁武
王武王將出見之太公曰不可雪深丈餘五丈夫車騎
無跡恐是聖人太公乃持一器粥出門而進五車兩騎曰
王方未出天寒故進熱粥以禦寒而不知長幼從何來
兩騎曰先進南海君次進東海君次北海君次西海君

次河伯雨師風伯弼既畢使者告太公太公謂武王曰
此四海之神王可見之南海神曰祝融東海神曰勾芒
北海神曰玄冥西海神曰蓐收河伯名為憑雨師名詠
風伯名飛廉請以名前五神皆驚相視而歎祝融等皆拜
焉武王曰天陰遠來何以教之四海曰天代立周謹來
受命請勅風伯等各奉其職 墨子曰鄭繆公晝處廟
有神入門而左鳥身素服三純面狀正方繆公乃懼神
曰無奔帝享汝明德使錫壽十年使君昌公問神名神

曰勾芒

國語夏之興也融降於崇山

融祝融也崇高山也夏居陽

城高山所近也

登山神

管子曰桓公北征孤竹未至卑耳溪十里援弓將射未敢發見人長尺而人物具冠右祛衣走馬前疾管仲曰臣聞登山之神有俞兒者長尺人物具焉伯王之君興則見且走馬前導也右祛示從右涉至溪如所言公拜馬前曰仲父之聖若此對曰夷吾聞聖人先知無形

非有形而後知臣非聖人臣承教者也

神女

瑞應圖曰美女者蓋神女也君德被遠則至周穆王時持酒來酌之

神怪

神吟嘯

淮南子曰夏桀亂四時之政黃神吟嘯鬼神失其常

神降莘

左傳莊公三十二年有神降於莘

有神聲以接人莘號地

惠王問

內史過曰是何故對曰周之將興明神降之鑒其德也將亡神又降之觀其惡也故有得神以興亦有以亡虞

夏商周皆有之王曰若之何對曰以其物享焉其至之

日亦其物也

享祭也若以甲乙日至祭先脾玉用蒼服尚青以此而祭也

王從之內

史過往聞號請命

聞號請於神求賜土田之命

反曰號必亡矣虐而

聽於神神居莘六月號公使祝應宗區史嚚享焉神賜

之土田

祝大祝也宗宗人也史大史也應區嚚人名也

史嚚曰號其亡乎吾聞

之國將興聽於民

民政順民心

將亡聽於神

求福於神

神聰明正直

而一者也依人而行

唯德是與

號多涼德其何土之能得

涼薄也謂

二年晉滅號也

回祿神蓍叔神

國語曰夏之亡也回祿信於聆隧

回祿火神再宿為信聆隧地名也

又曰

號公夢在廟

號公王季之子文王之弟號公醜也廟室廟也

有神人面白毛

虎爪執鉞於西阿

西榮也

公懼而走神曰無走帝命曰使

晉襲於爾門

帝天也襲入也

公拜稽首覺召使嚚占之對曰如

君之言則蓐收也天之刑神

刑殺神也

天事官成

官成禍福各以官象

也成公使囚之且使國人賀夢

欲轉吉故使賀也

舟之僑

大夫

告

其諸族曰衆謂虢不久吾乃今知之

以其賀夢

其適晉六年

虢亡

神致璧

史記秦始皇三十六年秋使者從關東夜過華陰平舒

道有人持璧遮使者曰為吾遺鎬池君

服虔曰水神也張晏曰武王居

鎬鎬池君則武王也武王伐商故神云始皇荒淫若紂矣今亦可伐也孟康曰長安西南有鎬池也

言曰

今年祖龍死

蘇林曰祖始也龍人君之象謂始皇也

使者問其故因忽不

見置其壁去使者奉壁具以聞始皇默然良久曰山鬼

固不過知一歲事也退言曰祖龍者人之先也使御府

視壁乃二十八年行度江所沉璧也三十七年始皇崩

於沙丘

神降不見形

吳志孫權傳曰太元元年五月臨海羅陽縣有神自稱

王表周旋民間語言飲食與人無異然不見形又有一

婢名紡績是月遣中書郎李崇賁輔國將軍羅陽王印
綬迎王表李崇既至與崇及所在郡守令長談論崇等
無以易所過山川遣婢與其神相聞秋七月崇與表至
權於蒼龍門外為立第舍表說水旱小事往往有驗十
一月權祭郊還寢疾二年二月表亡至四月權薨

池神見

幽明錄曰晉武帝於殿上窻下清曙忽見一人著白幃
黃絹單衣舉身沾濕自稱是華林園中池水神名曰淋

冷君也若善見待有福祐時帝飲已醉取常佩刀空擲
之刀空過無礙神忽曰不以往事垂接當令知所過居
少時而暴崩

鬼恠

鬼見

天鏡曰鬼見官府及私宅內失土地之象 國語曰周之

衰也杜伯射王於鄩

注云常昭曰鄩鄩京也杜
國伯爵陶唐氏之後也

春秋曰宣

王殺杜伯而不辜後三年宣王會諸侯田於囿日中杜

伯起於道右朱衣冠操朱弓矢射宣王中心折脊而死

也左傳曰莊公八年十二月齊侯游于姑棼遂田于

貝丘

姑棼貝丘皆齊地田獵也

見大豕從者曰公子彭生也

公見大豕而從

者見彭生皆妖鬼也

公怒曰彭生敢見射之豕人立而啼公懼墜

於車傷足喪屨

漢書五行志曰高后八年三月自灞工

還枳道見物如蒼狗擲高后腋怒見趙王如意為祟

遂病腋傷而崩先是后殺如意

鬼擲人屋

天鏡曰鬼擲人屋扣門戶如賊盜劫人不出一年民人疾病

鬼呼

墨子曰夏桀之時鬼呼於國 天鏡曰鬼呼大人當之
是謂喪亡不出一年天下爭地一曰哭祖民分散 述
異記曰呂光永康二年有鬼叫於都衛曰兄弟相滅百
姓斃兩口絕祀吏尋聲視之則靡所見是年光死嬌子
紹立五日紹庶兄纂纂紹自立明年纂弟車騎大將軍

常山公征伐屢有戰功疑纂不已帥衆攻纂所殺無窮
常酗遊走無度明年因醉為從弟超所殺超推兄隆為
主姚興因豐遣叔父征西將軍隴西公碩德伐之隆師
徒撓敗乃稱蕃於姚氏三年遂為姚氏所滅

鬼吟哭

墨子曰夏桀之時鬼叫於國商紂之亡有鬼宵吟 董
仲舒五行逆順曰人君簡宗廟不禱祝咎及於外則鬼
夜哭 京房曰國虛空人君有尸祿則鬼夜哭 晉陽

秋曰符堅未敗常安市鬼夜哭一月乃止
京房曰鬼
夜哭國將亡

唐開元占經卷一百十三

欽定四庫全書

唐開元占經卷一百十四

唐 瞿曇悉達 撰

器服休咎城邑宮殿怪異占

器用休徵

琅玕 白玉 白玉赤文

孝經援神契曰神靈孳液百寶為用則琅玕景

宋均曰
事神明

得理則琅玉
有光景也

禮稽命徵曰王者得理制則澤谷之中

有白玉出 禮稽命徵曰王者制禮作樂改損祭器得鬼神之助則有白玉赤文像其威儀之狀

玉英 玉華 玉典

瑞應圖曰王者五常並循則玉英見又云王者服飾不侈則出又自正飾服不踰祭服乃出 孝經援神契曰玉英石華王者尊卑不失其服則見又曰神靈華液則有玉英

宋均曰玉有英華也

瑞應

圖曰玉華者師曠時來至雜紫綬 又云王者慈仁則玉典見

玉璜

尚書大傳曰周文至磻溪見呂尚釣魚文王拜尚云望

釣得玉璜剗曰姬受命佐撿德合于令昌來提

鄭玄云釣得魚

魚中得玉璜也佐撿猶助提者取也半璧曰璜

瑞應圖曰王者循五常則出

玉璧 玉瓮

瑞應圖曰王者賢良美德則白玉出 中興徵祥說曰

王者不隱其過則玉璧見愍帝建武元年江寧民虞廸

墾地得白玉麒麟璽一枚文曰長壽萬年安帝義熙十

二年左衛兵陳陽於淮水中得玉璽一枚 瑞應圖曰

玉瓮者聖人應也不汲自盈王者飲食不流離下賤則出

玄珪

尚書璇璣鈴曰玄珪則出刻曰延喜

禹功既成天佩以玄珪也

瑞

應圖曰王者懃苦以憂天下厚人薄己卑宮室而盡力乎溝洫則玄珪出禹時天以賜禹又云四海會同則玄珪出

金車 金勝 銀瓮

瑞應圖云王孝至孝仁德廣施則金車出舜時見於帝
廷孝經援神契曰金勝者象人所鑄勝而金色四夷
來即出瑞應圖曰世無盜賊凶人則金勝出又曰浸
潤不行姦盜靜謐綈繡不用則見晉中興徵祥說曰
金勝者仁寶也不斷自成光若水月四夷賓服則出穆
帝永和元年陽穀民得金勝一枚長五寸狀如織勝後
桓溫平蜀路此四方來服之應也瑞應圖曰王者宴不
及醉則銀爰出

明珠 明月珠 珠英 珠鏡 地珠

禮記威儀曰君乘金而王其政象平則海出明珠 援

神契曰王者德至淵泉則海出明珠

珠可照閭也

瑞應圖

曰明月珠者介鱗之物魚鹽之稅通乎什一則海出明

珠以給王者 禮記威儀曰君乘土而王其政太平遠

方神獻其珠英

有神聖故以其地所生來獻舜時西王母獻益地圖玉琯者是也

援

神契曰神靈孳液百寶為用則珠鏡見

事神明得理則大珠有光耀可

為鏡 瑞應圖曰王者以才為寶則地珠出

大貝 琉璃碧

禮記威儀曰君乘金而王其政蕩平則海出大貝 援
神契曰德至淵泉則江出大貝 運斗樞云先德則江
吐大貝 瑞應圖云王者不貪財寶則海出大貝大可
盈車又曰王者不匱則出 援神契云王者行政神明得
理則琉璃碧見 瑞應圖曰王者不多取妻妾則碧琉
璃見

蘇胡鈎 珊瑚鈎

援神契曰王者要誓信則蘇胡鈎出 瑞應圖曰王者
棄玩好之物則蘇胡成其鈎而出 瑞應圖曰王者敬
信則珊瑚鈎見

神鼎

瑞應圖曰神鼎者質文之精也知凶知吉知存知亡能
重能輕能不炊而沸不汲而滿中五味黃帝作三鼎象三辰
大禹治水收天下美銅以為九鼎象九州也王者興則
出衰則去 說苑曰漢孝武帝時汾陰得寶鼎而獻甘

泉宮羣臣上壽賀皆曰得周鼎侍中吾立壽王曰周德
始於后稷長於公劉大於太王成於武王顯於周公德
澤上暢於天下漏於泉上天報應鼎為周出今漢自高
祖以繼周昭德顯行六合和同至陛下而愈盛天照有德
而寶鼎自至所以遺漢此漢鼎非周鼎也上曰善羣臣
皆稱萬歲賜壽王黃金十斤 晉中興徵祥說云王德
盛則神鼎見神鼎者仁器也不炊而沸不汲而滿烟煴
之氣自然而生世亂則藏於深山文明則應運而至故

禹鑄寶鼎以擬之成帝咸康八年陽穀民劉珪夜見光
取得鼎一枚外圍四寸此文明之應也

丹甌 瓶瓮

援神契曰丹甌者不炊而自熟五穀豐穰則見 瑞應
圖云王者棄淫污之物則丹甌出又曰化行年豐即出
瑞應圖云瓶瓮不汲自滿王者清廉則出又曰接於
末賤則出

白裘

瑞應圖曰王者以身率先人惡衣服而致美乎黻冕則

獻白裘禹時渠搜民乘白馬來獻

禹貢渠搜山名西夷衣皮見禹功成皆來

服也又云王者政本五行教民種植以事其先則獻白裘

又云王者德茂不恥惡衣則四夷來獻白裘黃帝時

南夷乘白鹿來獻白裘

器服咎徵

鍾自移 鍾自鳴 鍾不鳴

天鏡曰鍾自鳴移處君不安不出年春秋潛潭巴曰

天子鍾自鳴下土動兵 兵書曰鍾無音士卒怒欲攻戰

鼓自鳴 鼓不鳴

潛潭巴曰庫兵動鼓自鳴 天鏡曰鼓忽夜鳴有敵人來 兵書曰金鼓無故自鳴軍中當罷且有功名 兵書曰金鼓無故忽無音響者邑且降 漢書五行志云李陵擊匈奴夜擊鼓起士不鳴陵曰吾士氣少衰而鼓不起何耶軍中是有女子乎搜軍中得卒妻皆斬之

角自鳴 角不鳴 巾箱中有鼓角聲

天鏡曰國君角自鳴有伐者 天鏡曰角吹而不鳴不宜征伐 異苑曰晉孝武大元末每聞巾箱中有鼓吹輦角之聲又曰護軍府軍鎧甲錚錚有聲遭王敦之變

刀劍自拔自鳴

京房曰君刀劍無故自拔與其室相去君且殺 地鏡曰刀劍無故自拔出及光有聲者憂兵傷若有血汗

京房云君刀劍無故自鳴他人無聞者而君獨聞之妻

妾且殺其君 兵書曰將軍劍無故自鳴他人不聞已
獨聞之此名婦為人殺之象

忘豹尾

晉中興書曰海西公初即位忘設豹尾聖人所以豹變
也而海西豹變之日非所忘之時天戒若曰忘其豹尾
亦不能終也

車奔 鼎淪 鼎震

天鏡曰國君車奔不出三年有喪事 墨子曰桀無道

九鼎淪 洪範五行傳曰周烈王二十三年鼎震金失也
金震木動之也鼎者宗廟之器鼎震木沴金失之象

冶鐵飛

漢書五行志曰武帝征和二年春涿郡鐵官銷鐵皆飛
去其三月涿郡太守劉屈氂為丞相後月巫蠱事忽興
帝女陽石公主與太僕公孫敬聲下獄死掘蠱太子宫
太子與母皇后議恐不能自明乃殺江充舉兵與丞相
屈氂戰死者數萬人太子敗走至湖自殺明年屈氂復

坐祝詛腰斬妻梟首 成帝河平二年正月沛郡鐵官
鑄鐵不下隆如雷聲又如鼓音工十三人驚走竟還視
地地陷數尺鑪分十二鑪中銷鐵散如流星時王鳳為
大司馬大將軍秉政丞相王商與鳳有隙鳳譖之免官
自殺

竈釜鳴

地鏡曰宮中竈及釜甑鳴响者不出一年有大喪 郭
璞洞林曰卷令施安上家釜九鳴旬月之中尋有九喪

白中水出

京房易傳妖占曰白水出大臣咎 地鏡曰水忽出白
中臣為咎且將大水 帝王世紀曰初力牧之後曰摯
其母曰始豕居伊水之濱夢神告已曰白出水而遠走無
顧及明視曰中有水即告隣而走東十里乃顧其地盡
為水矣 伏候古今注曰成帝建始二年太原祁安縣
民石臼中水出如流狀稍益至滿白民夜謠曰水大出
走上城後三年女子陳持弓聞謠言大水至走入掖門

至省中官吏大驚上城

秤斗改小 飲食自亡

天鏡曰人君改小秤衡斗桶是謂裂德五穀不入倉民
流亡大饑 京房傳曰君飲食無故自亡君且失位凶

床自動 床自亡 帳幕自動

京房傳曰君床無故自動君且移居 兵書曰將軍坐
床無故自動臣下欲殺之 又曰君床無故自亡去君
且去 兵書曰將軍帳幕無故自動人散走各歸其鄉

羽扇

晉中興書曰舊為羽扇柄者剡木以象骨用十毛取全數也中興初王敦始改用長柄使下出可提減其羽用八識者以為柄使可執用是敦執國柄之象也毛減用八者是羽翮損少之應也

慘頭

晉中興徵祥說曰太元中人不復着慘頭亦服妖也象人君獨立無親戚也天鏡曰人君及民無故違國制服上

古之服是謂悖德君臣有反政 又曰好作大衣下臣
悅又曰無故小其衣服不出三年邊有急兵若外國來
降服後大凶 又曰好小衣臣自用 又曰人君好為
短小之衣兵革不出六年邊城有相犯君弱臣強 又
曰好著黃者太平好著白兵好著青年中熟 京氏云
民人皆好素服者民多喪期三年衆人好學諸侯之服
而高其衣服不出五年失民

假髻

左傳曰鄭子臧好聚鵠冠

張晏曰鵠鳥赤足黃文以其毛飾冠韋昭曰鵠

禽翠鳥也

鄭文公惡之使賊殺之劉向以為近服妖者也一曰非

獨為子臧之身亦文公戒也初文公不禮晉文又犯周天子命而伐滑不尊敬上其後晉文伐鄭幾亡國

冠墜

漢書五行志曰昭帝時昌邑王賀遣中大夫之長安多

治仄注冠

應劭曰今法冠是也李奇曰一云高山冠本齊冠也謁者服之也

賜大臣後

又以冠奴劉向以為近服妖也時王賀狂悖聞天子不

豫弋獵馳騁如故與騶奴宰人遊居娛戲驕慢不敬冠者尊服奴者賤人賀無故好作非常之冠暴尊象也以冠奴者當自至尊墜至賤也

冠衣改變

續漢書曰靈帝光和四年作列肆於宮綵女為商販更盜竊帝著尚服飲食宴觀以為樂又於西園與狗著進賢冠帶綬又駕四驢車帝躬自操轡馳騁此服妖也後天下亂搜神記曰晉中興著幘者以帶縛項下逼上上

無地也 續漢書五行志曰獻帝建安中男子之衣好
為長身而下甚短女子好為長裙而上甚短時益州
從事黃嗣以為服妖是陽無下而陰無上天下未欲平
也後遂大亂 搜神記曰吳景帝以後衣服之製長上
短下又積領五六而裳居一二故歸命放情於上百姓
惻於下之象也 晉興後服上儉下豐又為長裳以張
之蓋上衰弱下放縱也

衣服汗血 衣服自亡 衣服有光

衣自出匣

兵書曰將軍衣無故自汗血臣下欲殺之京房曰君朝服無故自亡君有事臣大凶兵書曰衣無故自亡將且死人家亦然異苑曰晉惠帝羊皇后將入宮衣中忽有光若火後藩王構兵四廢四立及洛陽失御復為劉曜所嬪漢書曰平帝元始元年二月乙未義陵寢衣在匣中忽出在床上又曰王莽傳社陵便殿乘輿宮府衣在藏中忽自倒去外堂上良久委地莽惡之

綬帶有光 履改變

天鏡曰印綬有光者免官帶有光賀事 搜神記曰昔
初作履者婦人員頭男子方頭員者順之義蓋作者之
意所以別男女也履者所履踐而行者也太康初婦人
皆方頭履言去其從與男女無別

履自着足 履自亡

京氏曰君履無故自着於君足有遠行 京氏曰君履
無故自亡君且不復遠行 天鏡曰人君履無故夜亡

其處近臣為踐

敗僞自聚

搜神記曰元康之末以至於太安之間江淮之域有敗僞自聚於道多者至四五十量余嘗視之時人散而去之明日悉復或見狸銜而聚之說者曰僞人之賤服處于下當勞辱下民之象敗者疲斃之象道者地理四方所以交通王命所由敗僞聚道民罷病將搆聚為亂後張昌逆亂

城邑宮殿怪

邑壅成山 邑沒為池

地鏡曰邑無故壅成山是謂陽反為陰君淫為婦人所謀
不出一年兵起 又曰邑沒為池是謂侵陽人主徵發
無道不出一年兵馬興

門崩壞

京氏曰上下咸悖厥妖城門壞 天鏡曰君門傾君不
安上 洪範五行傳曰秦世都門無故崩都門者秦東

郭門通山東者也亦崩者象趙高殺二世時外降政內敗一曰西郭莫崩而東獨然又先崩者象山東兵至滅壞出二世不踰楚漢之兵皆自都門而入此皆內不平外不敬之所致漢書五行志曰景帝三年十二月吳二城門傾大船自覆劉向以為近金沴木木動也先是吳王濞以太子死於漢稱疾不朝陰與楚王戊謀為逆亂城猶國也其一門名曰楚門一門名曰魚門吳地以船為家以魚為食天戒若曰與楚所謀傾國覆家吳地

以王不寤正月與楚俱舉兵身死國亡 又曰宣帝時
大司馬霍禹所居第門自壞時禹內不順外不敬見戒
不改卒受滅亡之誅 又曰哀帝時大司馬董賢第門
自壞時賢以私愛居大位賞賜無度驕慢不敬大失臣
道見戒不改後賢夫妻自殺家徙合浦 續漢書曰桓
帝延熹五年太學門無故自壞裴楷以為太學者教化
所居其門自壞文德將衰教化廢也是後天下遂至大
亂 魏志曰黃初二年春文帝幸許昌城南門無故自

崩帝心惡之遂不入還洛陽五月帝崩 晉中興徵祥
說曰元興二年大桁門層屋自壞桁門者蓋古之鷄門
都城之門也王者所由出入是孝安靜默警蹕之響未
嘗至於鷄門而桓玄之篡乘間也

門闕折 門鑰自亡

地鏡曰城門闕無故自折將有賊至為人所開邑敗

京氏曰君門戶自亡其君且殺 漢書五行志曰成帝

元延元年長安章城門牡自亡函谷關決門牡自亡

晉灼

曰壯出簫也孟康
曰決門聚落門也

谷永對曰章城通路寢之路函谷
關阻山東之險城門關守國之固固將去焉故牡飛

門自開閉

天鏡曰晝夜門自開閉方有大兵至大憂 京房傳曰
君門戶無故自闔臣殺其君 又曰國門無故夜自開
且有晝閉之憂 天鏡曰殿閣門夜自開其下方有大
兵 地鏡曰人家門戶無故自開自閉有力兵事 京
房傳曰城門無故不可開邑有憂 又曰君門無故不

可開者君凶人家亦然 地鏡曰凡門無故不可開是
謂戒過不出三年必有兵從近城郭起 洪範五行傳
曰燕王明光宮卧内三戶閉不可開王使二十餘人疏
戶終不開久甚王意以為内有人使奴踞屋視内中無
人小臣者趙聖推戶戶開視其戶不開夫戶以出入屋
室者也無故不開且不居也

屋室自壞

干寶晉紀曰武帝大熙元年太廟梁折四月世祖崩

晉中興徵祥說曰大興二年吳郡米廩無故壞米廩貨糴之屋無故自壞天戒若曰五穀踴貴無所糴買不復須屋是歲人大饑餓死者十二三萬又云王敦在武昌架屋五間已構五木一宿梁墜地杙在柱上甚危無幾作亂敦滅

殿名妖異

晉中興徵祥說曰烈宗起清暑殿識者非之清暑楚聲今起殿以楚之聲為號非吉祥後桓楚篡續陽秋曰

桓玄在姑熟起齋畫為龍名曰盤龍齋及敗劉毅居之
毅小字盤龍

城郭宮闕有聲崩側

天鏡曰城郭宮闕廷棟梁頭鳴不出二年二月國亡削
地京氏曰邑城門無故夜鳴邑有大喪人家亦然

地鏡曰邑城門忽夜鳴者將有兵喪王莽傳曰天鳳

二年朱鳥門鳴晝夜不絕也

云

王隱晉書曰城有

聲若牛出許昌城此應主為愍懷太子潛潭巴曰宮

柱自鳴下土諸侯號有聲 天鏡曰宮殿廷門自鳴動
搖有聲音不出三年有流血交兵從近臣親戚起 京
房傳曰邑君屋無故自動動而大聲者邑且虛 天鏡
曰君府門閣自鳴強兵方至 京氏曰君室中無故有
人聲且有大姦 又曰君室殿無故有哭聲國家大凶
又曰賤人將貴則城復于隍

社鳴及自移

潛潭巴曰里社鳴此里有聖人其响百姓歸之天子走

鳴則教令行善湯
故祭也响鳴之怒

京房曰社鳴實邑虛虛邑實又

曰里社鳴聖人出

又曰社樹自移君有大行有凶移

來國昌

市驚及出泉

天鏡曰民人市驚大兵至失政之象也

京房曰市人

無故自驚者春驚期一年夏驚期二年秋驚期三年冬

驚期四年案掘鏡曰叛兵起失政之象也

又曰天不

雨穰肆自出泉百姓亂

又曰穰肆無故自出泉民人

相食君肆無故自出泉將軍與相為亂一曰國內亂期
三年

城廟宮殿濡濕

京房曰天不雨廟自濡者其國大饑人主當之 天鏡
曰人君宮殿門牆潤濡不出一年獄失囚 又曰宮殿
及垣牆無故汁出如水濯之狀不出八十日亡國 述
異記曰宋臨王子項在荊州永光元年所住庭栢折棟
裂並自濡濕汁滴地明年被誅 京房曰天不雨而城

自濡者其國大潰亂相當之

宮殿自動

天鏡曰人君宮闕宮廷門戶無故自動不出期年有流民且交兵 京房曰君宮室無故自動者且為兵墟


宮殿鳧 宮室柱生芝

天鏡曰宮殿中及宮府間聞腐鳧不出一年有暴喪若婦人暴死 又曰宮殿聞血腥腐鳧是謂不出一年有大水流血 又曰宮殿中聞焦鳧是謂移妖不出一年

以火為災 又曰宮殿聞鳧是謂陽動不出一年宗廟
社稷移徙 握鏡曰宮室屋木無故生芝者白為喪赤
為血及火青為獄黑為賊黃為吉

宮殿生黥 宮殿瓦自墮 宮殿柱自鳴

地鏡曰宮室中壁無故生黥者白為喪赤為血及火青
為獄玄為虛耗亡遺黃為吉 潛潭巴曰宮瓦自墮諸
侯強凌主身不祥 又曰宮室柱自鳴下土諸侯號有
聲



唐開元占經卷一百十四